

寶山縣志卷之七

人物志

詩有云高山仰止景行行止一方之有人物亦後進之高山景行也寶山分自嘉定地環江海之秀舊志所載人物其忠孝節義蓋不乏人焉第玉蘊於石而成珪璋之用端賴琢磨之力木生於山而勝棟樑之任豈舍繩墨之功生於其鄉者景仰前賢知由發憤刻勵能自拔於流俗非盡地靈使然咸思所以自奮則海濱人物何可限量耶

仕蹟

寶山縣志

卷七  
仕蹟

明 陳述字宗理居真如宣德間以賢良薦授御史巡按江西歷浙江右叅政移四川左叅政會流賊聚衆剽掠官軍失利述至推誠招撫降者三百餘人並釋歸復業殲渠魁五十人其地遂寧已而德陽賊燒劫什邡安縣移屯彰明述統官軍以正兵當賊衝復出奇兵撓之所獲資畜輒以充賞不旬日悉平初蜀民不知力本述爲設法勸課數年之間草萊盡闢農桑遍野民用饒裕撫臣累疏薦之述以年老致仕晉階二品蜀人立祠祀之著有辨疑恤刑錄農桑風化錄靜軒集崇祀鄉賢

范純字誠夫居羅店孤貧力學有文名天順丁丑進士南京兵部主事成化初以刑部員外郎為四川僉事分守川北所轄番部道險多瘴前憲臣當按驗芻糧率移文勾當具故事純巡歷殆遍會松茂有警督運至威州蠻衆攻城據高山夾水架大木飛擲入城勢甚急純招羗兵數百夜伏山後旦鼓譟開城蠻下山迎戰伏兵疾馳山頂用大木反擊之蠻敗去及轉松潘兵備副使閣臣萬安子肆橫鄉里輒繩以法內官承旨廣市鷹鷂所歷州郡橫勒路費千金民不能供純白止之弗聽遂移疾歸家同年彭韶巡撫江

南素交厚絕不干謁嘗與同官某會飲酒半某狎伶純見之遽拂衣出厲聲曰風雅掃地矣其生平剛正類如此卒年六十二著有詩十八卷文二卷崇祀鄉賢

李良字堯臣居真如後徙嘉城成化己丑進士出仕南京刑部郎治獄不務鈎距而善窮人情大司寇重之諸曹疑牒輒移決焉出知瑞州府瑞俗獷悍喜告訐繫獄多至千人良至釋連坐與亡驗者而窮治其尤獄以衰息民多遂末率遠賈不歸良教之務農始相次復業值歲大祲為長短補貸法全活甚衆以憂歸卒

沈炤字文明居八都後徙嘉城宏治壬戌進士仕行人正德初擢刑科時閩人劉瑾擅政欲誣潼關守將姚諫重辟炤奉詔往與御史杜宏及知府郭任會勘二人畏瑾未敢決炤乃手攬獄詞拍案起曰吾終不能殺人以媚人明日宏悟呼酒酹地曰愿從公死獄上瑾大怒縛諫詣闕殺之下炤于獄杖幾死謫福建照磨未行丁外艱復逮至京謫戍寧夏瑾誅起桐廬主簿歷新昌令郴州守終廣東僉事著有東溟集崇祀忠孝

沈灼字文燦炤之從弟正德戊辰進士授行人擢

監察御史清軍浙江巡按福建江西皆著風裁

寧藩陰圖不軌灼上疏首發其奸嘉靖初疏陳四漸一經筵輟講二詰責言官三數逮有司四偏信內侍且曰朝廷刑獄內付刑部都察院外付巡按按察司錦衣官校不宜輕遣指陳切直世宗至為動容以議興獻大禮不合與同臺句容曹錕崑山方鳳同日乞休著有東岩奏草巡閩錄崇祀鄉賢

沈陽字復卿炤灼從子嘉靖庚戌進士知沙縣綜核精明入為御史上帝學八章奉命清理畿內庄田覈奪勲戚宦官隱冒一千九百餘頃復上牧政十事巡按四川忤權相謫判裕州量移南

康司理歷撫州同知廣信知府隆慶初方以卓異內召竟移疾歸入沙縣廣信名宦祠又崇祀忠孝

沈紹僖字廷和復卿從子萬歷丁酉舉人為蒙城教諭遷國子學錄禮部司務改吏部時趙南星為尚書稱其清慎擢武庫司員外郎庫事有與內廷惜薪司相關者時魏璫用事欲於柴薪常額外加派三萬金紹僖曰帑藏如洗必不能加卒奪其議嘗奉命至杭西湖方建璫祠浙藩邀遊湖上謝不往織監李實來謁不見旋以疾歸沈人种字時雍居大場嘉靖己未進士為縣令有

毅名入銓曹洵歷藩臬又入為卿終御史中丞其治以精勤嚴核為用而所至必以惠愛稱嘗榜於廳事曰吏不畏吾威而畏吾之廉民不愛吾寬而愛吾之嚴所施設可概見矣先後備兵關東西嘗攝諸司事至佩七綬邊塞憚其名不敢犯朝廷聞之有白金采幣之賜當在浙也溫處二州盜起不在部界而遣丞督兵以往出賊不意一時駭散及為中丞巡撫閩中以疾歸卒無子人咸惜之

殷都字開美居大場徙嘉城萬歷癸未進士少負俊才多長者交為文不專於應舉而以詞賦得

名故晚而後遇居官刻苦自勵守彝凌六年為  
職方郎又三年歸貧甚至質衣以奉客楚蜀之  
界懸崖峭壁徑纔容足而下臨不測之壑行者  
魂魄悸怖乃鑿山為道者九千丈始成坦途及  
有職方會火落為難西陲借西寇為殺勢都謂  
不當急之使合與群議左而執政深以為然二  
寇果次第解去已會獵黃鵝口邊人驟言寇至  
石尚書星欲發兵乘城都言彼必不敢為寇不  
宜輕動以損觀聽已而果獵也尚書內慚風言  
官劾奏左官竟以罷歸著有爾雅齋集十笏齋  
稿尺牘籌邊稿酒史計八十餘卷

錢春沂字仲與居四都為諸生時父被冤繫慷慨  
陳情竟出死獄沂後舉嘉靖甲子鄉試由繁昌  
教諭遷德化令吏以羨餘進沂曰此百姓膏血  
也却不受未幾求歸上官弗許遂書林下清風  
四字置馬首而去

嚴貞度字茂肅居十一都家貧力學所為文自出  
倫革成萬歷癸未進士知東陽縣歷官刑部員  
外改職方會遼東總兵官馬林為太監高泚誣  
劾謫戍貞度與同官力持之神宗怒以阻撓曠  
稅斥為民在部曹時其門下士受知於閣臣沈  
一貫欲為貞度先容峻拒之及歸僦屋以居貧

不能自給歿無以為殮天啟元年贈尚寶司丞  
賜祭著有卹刑題稿

湏之彥字君美居廣福父諫字惟厚居鄉多長者  
行歿祀鄉賢之彥登萬歷戊戌進士歷淳安浦  
江桐鄉令多善政載遺愛錄桐溪記畧遷京衛  
府學教授國子博士擢都水主事權關荊州改  
儀制司陞員外署郎中時神宗倦勤皇太子久  
輟閣講皇長孫年十六尚稽冊立之彥累疏請  
并條議藩例參核豪宗光宗立以遺命欲尊鄭  
貴妃為皇后侍郎孫如游袖中出令旨之彥持  
不可立索筆草疏疏上得寢遂請立東宮蒙俞

旨遷光祿丞尋陞尚寶司少卿矢志忠貞登名  
天監錄魏忠賢擅政削籍為民崇正初詔復原  
官致仕著有儀曹疏草荆關權政疑香閣草

錢世禎字士孫一字三持春沂之子善騎射技勇  
絕人為文操筆立就中萬歷己丑武進士選蘓  
州衛鎮撫練兵吳江遷浙江運總時朝鮮被倭  
發兵東征經畧宋應昌疏加世禎游擊將軍隸  
為前鋒世禎率輕騎倍道疾馳渡鴨綠江抵肅  
寧至平壤都督李如松約先登者賞萬金酬世  
襲指揮世禎以七百騎過箕子墓喜曰此地多  
草木敵不知設伏邀我無能為也次日薄城下

與家丁數人躍而登遂克平壤逐北過大同江  
斬倭驍將既而如松沒其前後功踰年僅授薊  
鎮叅將調金山常鎮天津以老歸著有射評東  
征實記

黃世能字濟夫以椽史任陝西平涼衛經歷時平  
涼府靈臺縣賊聚衆殺傷官兵巡按董國光率  
大軍擊之世能從國光以數百騎授之使覘賊  
世能曰偵賊不宜多人多人賊必以我為挑戰  
遇輒鬪鬪必死今我以數人往賊不備乃可得  
其情國光嘆曰經歷知兵我不及也世能往盡  
得賊要領遂擊破之國光以為才委署崇信又

署安定革去浮費八百餘金世能雖身居微秩  
不畏上官平涼司理楊某欲坐一人重辟世能  
察其非辜力爭之楊知不可奪即縱遣而陰中  
世能以不謹巡撫顧其冊怒曰經歷庶直吏也  
乃為所中併劾罷司理嘗于涇陽逆旅得遺金  
二百餘錠物色其主還之不告姓名而去孫黃  
淳耀

孫元化字初陽居八都徙嘉城萬歷壬子以國子  
生中順天鄉試少異敏好奇畧得西學術精于  
火器天啟二年計偕入都上書言邊事吏科侯  
震暘薦其才從軍遼左多所贊畫閣部孫承宗

行邊還請授兵部司務召入為職方主事時邊疆多事中樞倚元化為重奏檄悉裁決其手袁崇煥撫遼詔往計議事竣還朝魏闡以素不附已矯旨奪職崇正初起武選員外遷職方郎尋出為宸前兵備道時燕薊東西告警元化善用關東將卒所向克捷以功擢都察院僉都御史巡撫登萊會大凌河告急命悉發調援部將孔有德兵至吳橋為縣令畢自黃激亂反攻登州朝廷以事由激變責令招撫旨為御史王道純所匿不即頒發遂潰亂難收首輔溫體仁論元化辟遂死西市臨刑風雷大作黃塵蔽天內閣

徐光啟謂體仁以此足明登撫真寃矣登州城潰時親從官巷戰死者十九人潘雲柱沈履素其尤烈者

湏之奇字君常湏之彥從弟居廣福以文生員具勇畧入試武闈天啟辛酉壬戌聯捷守備福建興泉海盜鄭芝龍入寇總鎮及興泉道被圍之奇整兵出救斬不用命隊長王汝勝以狗奮戰大勝之奇性傲不善事上官與巡撫熊文燦理刑趙繼鼎有隙會汝勝子以父死告竟按擅殺軍兵例論斬閩紳士代訴不得白卒於獄



申毓來字子巽居四都申荃芳長子康熙甲子歲  
貢由教習授江西南康知縣在任六年敷政愛  
民時太守欲行均田法履畝清稅毓來力爭不  
可甚銜之而奪于理曰此強項令也丁艱歸後  
二十餘載康民猶感德立祠儒學鍾維正作記  
鐫石著有未達草詩集

按仕以爵位顯蹟以功業重爵位生榮而歿已  
功業濟時而垂久茲輯仕蹟有功在 朝廷惠  
及民社者勲猷著於遐方聲譽傳於鄉黨此非  
特邦家之慶乃閭里之光也地因人重名以實  
傳昭前示後仕宦者豈可徒知爵位之榮而不  
知功業之建哉

孝義

宋 姚舜元字景瑞以武功為保義郎平江府東南副  
將守吳淞德祐改元冬元帥下平江姚氏為邑

巨族民樂歸附舜元語弟舜賓賓子鄉貢士應龍曰國家厚澤在人大本未去收合散亡以應內援外事可圖也未幾元偏將東巡莫敢犯境十二月十六日會黃霧四塞襲兵猝至舜元不及備與舜賓應龍及次子興龍並死之舜元祀鄉賢忠孝二祠元江陰王逢詩見藝文

明 沈輔字良弼居八都以捐粟賜冠帶性至孝嘗他

寶山縣志

卷七  
孝義

十

出忽心動悸汗曰得母親病乎惶遽馳歸母黃氏癱潰已不可救哭踊絕水粒者三日晨夕稽顙北辰願以身代及歿廬墓三年妻瞿氏事姑亦盡孝姑病癱當夏月瞿跪而舐之宏治四年詔旌其門曰雙孝嘉靖間祀忠孝祠瞿氏祀節烈祠灼炤其孫也

蘓旻字舜夫居大場父病竭力治療弗愈而卒哀毀幾絕躬負土治墓結廬其側悲號不少置一日雨甚水浸墓旻荷鍤決之獲金五錠用以買藥治棺施貧者父有遺產悉讓諸弟海陽周成為立傳知縣王術詩見藝文

郭山字體仁又字仁仲居江東嘉靖乙酉舉人力學甘貧至性孝友父嗜珍味性卞急小不當意輒反案折箸山竭力營求朝夕饋食子婦竊聽戶外食已乃相慶謁選為同安令縣苦徭役不平乃計其經費準田定賦貧者稱便諸番市舶輻輳權稅外盡革浮羨丁父艱去任父老釀金三百為贖悉謝却之服除山曰往日之出為親耳遂不復仕

黃淳耀字蘊生姿稟明敏夜篝火讀書父母憂其孱弱止之伺寢息更從隣舍乞火危坐默識嘗達旦年十七為諸生其制舉業穿穴于經傳子史而後出之博大醇正每試輒冠軍同里侯廣成兄弟極推重之自弱冠即以聖賢自負著自鑑錄知遇錄後更為日歷畫之所為夜必書之崇禎壬午舉于鄉癸未中進士出周太史鳳翔之門當釋褐後寄弟偉恭書曰吾廷試傳臚時見鼎甲先上人皆嘖嘖稱羨吾此時歎息無限天地間自有為數千年一人數百年一人者今人必不肯為數千年之一人而必欲為三年之

一人觀此可以知其自命矣天性純孝窮居無私財所得廩餼束脩盡歸之親丁內憂毀瘠骨立自弱冠至登第後不苟取一錢其友人有一親戚以官事連染屬公白免之其親戚以五十金為壽友人懷之以餽及覲面不敢出諸袖置諸書笥中經數日忽檢出大駭急還之介操類如此乙酉兵至訛傳父死遂同弟淵耀縊于西城僧舍中臨死神氣閑暇如平時其學問名節本於一誠嘉邑文章義節兼而有之者蓋首稱焉所著有詩文若干卷詩劄二卷史記襍論四卷語錄二卷吾師錄一卷其弟淵耀字偉恭學

寶山縣志

卷七  
孝義

三

於兄得悉緒論為邑諸生以品節自厲與兄同縊西城就縊時見兄憤墜地復下拾而冠之時年二十二著有谷簾學吟草奉憲立廟嘉城榜曰二黃先生祠

嚴銑字子華居十一都父堂故長者邑令李資坤召主權會奸胥不敢攤逃賦郡守王儀又令察諸占田不實者忤里豪意乘守去訟之御史瘐死獄中時銑尚少默自務其胸作必報父仇字既數年訴諸父老曰孤今幸壯有力矣不難割刃仇人胸第吾父被污卒不白請告士師而殺之于是走御史臺訟父冤里豪亦以逮繫自經

死銑痛不逮養刻木為父像事之如生職方郎  
殷都為作孝子傳

許大達字韞玉明初開國功世襲戶侯少好學補  
博士弟子隱居海濱穿穴經史有故人為仇陷  
以寃白當事欲置之法其仇以五百金餽厲却  
之越中老生貧不能歸鬻其妾與女其妾賣與  
大達及至泣不已問故曰夫女生離是以悲耳  
即召其人領回其人以價散半為辭答曰豈望  
還銀併以其半代贖女歸之事親孝妻卜氏昭  
信尉卜芝亭女先大達歿大達年八十有四著

有五經傳火四書辨異懷音草詩子自俊中  
進士女玉早寡守節在家以節孝旌

沈兆字祥卿居八都嘉靖三十二年值倭警奉母  
往崑山母病傾貲醫禱弗效割股以膳及亡號  
慟不能拜起扶襯歸雨竟夕跪雨中祈晴翌日  
果克葬在南雍時甥龔錫爵遭逆奴弑其父錫  
爵方五歲僕李崧負至兆所兆撫之如子及成  
立乃出其十五年餘租與親友所贈穎悅之屬  
一箱并付之族孫厚嗣慕兆風亦盡力事養其  
親父病割股以進沈氏盖多孝友云

沈尊字達三居江東御史陽之孫為人伉直不苟

取與性至孝與妻汪氏竭力以事母同產兄弟  
有三人而生養死葬皆尊獨任迨兄弟沒貧不  
能殮亦尊為之營厝鄉黨多稱之

須諫字惟厚篤於友愛處骨肉間以含忍相化終  
身不言析箸事寡姊歲計其衣服之費而繼輸  
之并為撫育其子嘗寒月過債家見壁下草中  
有物蠕蠕動怪問主人俛不能答發視則三穉  
子赤身卧也遽還其券出見哭于道者云市布  
得假銀諫如數償之尤好覆人之過家亡二牛  
一人逐而得之則謝以一牛一人得盜主名以  
告且云當聞于官而證之諫弗忍亦謝以一牛

二牛仍亡所知以白金數錠來願質零星以用  
後試之皆偽物然終不言也以此鄉人多感德  
者歿崇祀鄉賢

王玉堂吳淞副千戶母病割股以進尋愈子有道  
亦割股療母嘉靖間臺使並獎

陳汀字厚卿居黃浦東幼喪母育于同縣馬氏平  
生好義先世遺產悉讓于兄盡復賙給之後馬  
氏有分復不受人有持官銀百兩遺旅店中汀  
後至獨留守俟其人還而付之為人乞貸已而  
負之汀為代償其後有求復與終不言前負臨  
沒呼其子索筆書曰負某人物若干又負某若

干吾死汝必償之他人負已者不言也

潘士英字子實居羅店記誦該博尤邃於宋儒理數之學奉母至孝母御新婦嚴一日奮杖擊婦簪入頂而仆士英俟婦小甦即牽之跪謝母偏憐少子士英亦憐愛之相得無間以貢為龍泉訓導遷江山教諭

陸漸登吳淞百戶十歲割左股療母病後又割右股療父疾父母俱以壽終

蘇澆字眉起居楊行性至孝所居與母氏隔風雨夜晦必守侍母寢始去比曉即候立無少怠篤于友愛與弟淵讀書一室為文博大醇雅以古

寶山縣志

卷七  
孝義

五

人自期崇正十七年聞闖寇陷京師即易麻冠草履望北長慟遂積鬱成病尋卒自作靜節居士傳子樑康熙十一年鄉貢士

申荃芳字澹尹居黃白涇文學素著有經世才嘉定永折漕糧崇正十四年忽奉文改兌舉邑惶駭荃芳偕張鴻磐赴闕陳奏得以復折後乃歸隱于鄉耕讀營葬累世之喪教子成名子毓來明經考選教習南康知縣修來監貢考授州同知

車薦吳淞舍人年十二父病刲左股進之獲愈天啟間憲獎

黃士彥居海濱父客京師士彥拮据養母崇正五年春母病不能延醫日夕禱北斗割股作羹以進及歿哭幾死丐貸以營棺殮知縣來方煒給獎

國朝

張涵字凝之居十一都明生員入閣部史可法幕授標下都司遷內營遊擊未幾以叅將行事大兵下揚州涵分守北門餉艘阻高郵可法令引兵接應既達而城下獲之砾死著有碧烟小草

寶山縣志

卷七  
孝義

六

許龍字雲美嘗從史可法於揚州任都司順治乙酉閏六月大兵駐吳淞副將梁得勝泊舟東門外龍中流矢死

唐景曜字韜生居羅店明生員以文行教授鄉里順治乙酉總督李成棟分兵東渡練初西渡荻涇繞鄉兵後遂潰景曜磔死有吳縣徙居羅店之席元斌同時死景曜係兵部職方郎景亮從弟

唐培字自因居羅店崇正癸酉副榜先匿其母於鄉鄉兵潰與從叔景曜磔死

朱霞字赤城居羅店明生員唐景曜霞身被



數鎗墮河死

吳之蕃吳淞所世襲百戶父斗南以征流寇死王  
事之蕃兼署陸營把總 大兵入吳淞走江東  
鄉兵四千人舡百餘艘直抵胡巷橋登岸不能  
敵之蕃呼天哭曰我父子死國分也然不得一  
戰死勿瞑目矣捉鎗赴鬪力竭而死

傅凝之字令融居八都崇正癸酉中式素有才畧  
同叅將吳志葵率師遁鄱湖 大兵破志葵軍  
志葵就擒凝之赴水死

范國楨字伯翼純六世孫好義尚節崇正末國楨  
遇兵將加刑子光昭以身蔽父伏地求代不獲  
父子同時死難

寶山縣志

卷七  
孝義

七

范國棟字仲隆國楨弟順治二年七月羅溪亂民  
假鄉兵為名擅殺人有一陸皮橋人至鎮以其  
面生欲執而殺之其人叩顙流血將不免國棟  
素不相識惻然捐五十金與市人得免至今人  
猶稱其慷慨仗義

朱洪基字爾開居羅店邑諸生至性純篤承家養  
志不以瑣事累其父幼失恃事後母至孝如其  
所生尤極友愛其弟人稱為朱閔子且輕財好  
施樂善不倦子元裕辛丑進士孫文龍乙卯鄉  
薦

沈仕字長卿太平府學訓導事親至孝竭誠奉養孺慕至老不衰親病朝夕焚香籲天求代親沒終身茹素廬墓三年至于體親之心恤姊妹而授以田廬撫弟姪而代為婚嫁吉祥善事靡不力行歷奉各憲旌異兩舉賓飲康熙十九年奉督學道劉批入忠孝祠

李正義字中宜原籍新安居邑之真如性至孝割股療母疾一日往蕪湖于旅舍中得遺金百餘兩候至三日有浙客倉皇至還之客為泣謝語之曰爾金我還何謝之有甲申年饑民載道散給米糧疫死遺骸出資收殮生三子長嘉猷丙

辰進士次栻辛丑貢士季嘉譽邑庠生孫壻彭定求丙辰會狀人以為積德之報云

朱漸儀字羽吉居羅店祖朱君平孝友積學黃淳耀為立傳父朱廷琦樂善坦直取怨於人為里豪捶死漸儀訟之官獄久不決然瘕死者已三人漸儀衰麻披髮終其身乾隆三年 詔旌

沈汾陽字希郭居羅店割股療親以孝行聞車永祚居吳淞為廣東乳源守備兒時父中俊病篤割股療之

張以高字惠仁居南城母病割左股以療父病復割右股病亦愈

王樹穀字子實居真如幼孤事母盡孝母病割左乳旁肉以療及歿廬墓三年

沈世苴字子祥明孝子輔裔孫父病割股雜糜進食之尋愈伯叔並無後為營殯葬年至八十餘朱迪居黃號二十啻幼齡喪父事母盡孝母病衣不解帶藥必親嘗及歿廬墓居喪哀毀幾至滅性迨後白頭哭奠如新乾隆五年 詔旌

印世臣字上下居七都父有穀以遊學歿于燕京輿櫬歸世臣時甫九齡哀痛如成人事母至孝與兄同居終身不析產弱冠補博士弟子員屢試棘闈不售有族弟詢簽早世託孤于世臣旁

寶山縣志

卷七 孝義

九

人覬覦之世臣不避嫌怨撫之成立及長遊庠成婚以所授一一歸之時人比之嬰白吳淞向有養兵之累比戶牧馬世臣請建造營房民得安堵順治十六年復有漕兌之舉闔邑驚恐世臣奮不顧身籲憲求免長子輯瑞候選州同克肖父行以孫光任出仕獲蒙馳贈

金潢字來宗康熙辛酉舉人六歲幼孤事母至孝登鄉薦後以母老不仕母患目盲醫者曰此年老血衰非藥可療必以舌舐之即每日晨起為母砥目後得復明外祖家三代單傳無子因業廢族人莫肯繼立乃營置祀田數畝即祀其族

之賢者主之以奉祭祀外曾祖家亦再世單傳止存一子甚幼撫孤成立葬其三代之喪創興廣仁會糾同志捐金以給寒之無衣饑之乏食死之無殮者刊有丹桂籍孝經易知解子時學副榜仕儀徵縣教諭

尹聘字商衡康熙丁酉舉人學問淵深頗有著作天性孝友兩次割股

范光啓字華先國楨子邑諸生舉鄉飲賓當父國楨弟光昭同被難時亦欲身殉念母在無人侍養而止後痛父弟之死於其地即購建祠宇名曰思圃春秋祭享竭誠哀慕文人學士咸嘉其孝友贈以詩歌蘓郡守陳鵬年為之序子雲翔能繼父志好行懿德以壽考終

王瑚字禹美樂善好義所居江灣之蒲溪不通大河時虞旱潦瑚捐百金買田疏鑿之得資灌溉一方賴之年八十一歲蒙給八品頂帶榮身

徐載字亶寧居稱號孝友篤學事父君平母朱氏幼時即承顏順志鄉黨咸以孝稱及長啜菽飲水必盡親歡父病禱天旋愈母患目時以舌舐母夜夢神賜丸吞之及旦目即明俱孝感所致康熙十六年知縣陸隴其以志在順親給獎

鍾杰字岳英生負居岡號家貧力學言笑不苟閉

戶潛脩父死於楚匍匐奔喪母病於牀虔禱益壽訓養幼弟友愛脩至

張諫言居彭溪幼即順親長能孝養母年五十九病危百藥不效諫言祈神割股以進母病獲痊壽至八十三歲鄉里咸稱孝感

李維煌字裕光居江灣年十歲父岩士病劇即徹夜服侍呼天泣禱父卒哀毀欲絕三載不離柩側母詹氏支持家計勞瘁請代勞母不許遂攻詩書迨母患病時年十四而躬操家務營葬父棺竭盡孝心弟維烜出繼厚分已產與之遇潮災歲歉減食以周急親鄰母患喉症夜夢一

道士用針治喉內而愈鄉黨咸稱孝感迨維煌患喘疾不起惟囑其子圻孝事祖母而歿

按毀容廬墓舐癰割股乃孝之一節未可與聚百順以效親如曾閔之孝同年而語也第其所行本發於自然豈要譽於鄉黨哉仗節守義古稱志士仁人當死生呼吸之際一諾不渝氣激時危一瞑不視與實惠週里黨解囊濟急者皆各得其性之所近其義一也若夫求忠臣於孝子之門孝可移於忠有不全於義者乎茲輯寶山之孝義如是後之覽斯志者可以觀感而興起矣

元 王子昭居東練祁篤學好禮尚志不群宋咸淳中  
為本縣學正元初辟為吳郡學道書院山長初  
嘉定學歲入田租養士不繼至元二十五年子  
昭已老病懼鄉校廢弛以田二十七頃有奇屬  
其弟子潤歸之學由是廩膳充足子昭有詩名  
學者稱東祁先生祀鄉賢祠

明 金文徵字德儒居黃白涇後遷嘉定城工古文詞  
洪武初辟為本縣訓導庚戌鄉薦第二敕免會  
試授鄜州同知有循良譽時同邑黃琮知中部  
常熟張著知膚施皆延安屬公餘酬唱名長安

寶山縣志

卷七 儒林

廿一

集遷國子坐教自號鶉居子從兄珉字德進元  
季訓導長洲洪武初為國子助教亦有文名

明 鄭濟川居依仁鄉洪武三十年以懷才抱德薦和  
御製思得賢人詩稱旨擢廣東道監察御史改  
北平布政司都事永樂初引見賜冠帶致仕七  
年起署滁州事九年赴京仍致仕歸

和御製思得賢人詩

曉殿珠簾掛玉鈎綸音  
詢政乃儒流由來後聖

同前聖祗謂民愁似已愁滄海魚龍能變化  
卑枝鳥雀息喧啾人才輩出禎祥應喜見嘉

禾滿  
綠疇

章黼字道常居大場隱居授徒博洽多識年三十  
病足遂絕意進取攷訂六書訛謬潛心三十年

集正體三萬餘字編曰韻學集成十三卷又貞音七卷卒年八十僉事吳瑋御史劉魁知縣吳括爲先後梓行板藏尊經閣

甘元雋字舜登居真如後遷南翔正德丙子鄉榜署定陶教諭遷知陵縣有清操失上官意罷歸四壁蕭然手未嘗釋卷晚以詩名及卒有司爲之營葬

李重字威甫居真如本農家而不辨五穀獨嗜學強記以奇詞奧義相質爲言見何書在某卷歷歷無譌嘉靖甲午鄉試中式由長興教諭遷深澤知縣日與諸生討論經史吏治非其所長而

廉潔自持民有善黃白之術者一豪公子求其方不與遂陷以大盜重廉得其情釋之後解任其人追送五十里外竝獻其方重曰汝以此幾及禍奈何以禍我子孫焚之馬前而去

湯珍字子重八都人績學工文辭雅自標位爲人倫所推吳中前輩唐子畏文徵仲王履約履吉皆友之以詩相揚扞爲社楞伽山中後進稱詩者多從問業文休承壽承彭孔嘉其著者也其後臺察大吏即結社之地建祠祀珍及諸子其中  
有司爲置祭田歲時伏臘焉

李士龍字應明居江灣平生修謹與物無忤嘉靖

間由歲貢秉鐸餘姚嘉興遷建寧教授告歸以書畫詠歌自適著有雲塘集萍隱錄

陳其詩字汝正居七都少穎悟年十三即通經史舉嘉靖甲子鄉試由廣宗教諭遷黃梅令丁內艱補新泰禱雨泰山夢神授以杯水黎明大雨曠賊王邦傑嘯聚官山臨其寨撫降之有死囚赴決道逸監司將罪令囚聞曰不可以我負賢令君遂就死後降山東鹽運司主事卒於官其性至孝父素嚴厲居官時猶輒予大杖必跪謝俟父解顏乃起事繼母亦如事父平生所著詩文名抱真遺集

金大有字伯謙居羅店徙嘉城嘉靖戊午舉于鄉垂髫時即同內閣王公受知郡守文名籍甚屢上公車不第讀書脩行為名孝廉嘗受里中無賴訟已而其子以盜事覺語連父并坐死大有言於令某實未為盜得釋其不宿怨好出人於陷類如此一時鄉評推耆德者必以大有為首云

金兆登字子魚大有子母傅氏夢饋鯉而生性穎悟少工文章萬歷壬午舉于鄉十上公車不第以耆德授都察院都事奉母家居耻事干謁至邑有大事議折漕議官布皆昌言力任之先是



虎子歲計借北上夜亡行橐有司按治主家公  
陰縱之曰吾不忍戕數口命以完吾橐也有風  
鑑錢生貧不能活以金貽之錢請歸女弟遂絕  
不復通其仁厚類如此年至耄未嘗廢書所纂  
有攸好錄談諧隨筆若干卷崇祀鄉賢子德開  
德行俱以文行重士林

陳舜道字見華居眉浦北顧家堰徙嘉城由彭澤  
教諭成進士不欲以孱軀偃僂事上官仍改應  
天府學教授量移南雍浮沈郎署間甚久乃出  
守柳州柳故瘴鄉前代以居流人舜道獨恬之  
未幾致仕歸靜坐斗室中焚香讀易雖四時嘉

會鮮出過從人服其清節

傅遜字元凱居八都萬歷三年貢由嵯縣訓導歷  
建昌教諭周藩長史身長八尺儀觀偉然少好  
讀書至老不倦其學長於論古今成敗師事歸  
有光文辭不及而持論常屈其師倭寇圍崑山  
請縋城出詣軍府告急竟得解圍尤好左氏春  
秋參互考訂以正杜氏之訛有春秋左傳屬事  
本末行世

婁堅字子柔由江東徙居嘉定南城經明行修學  
者推為大師年五十貢於春官不仕而歸詩文  
典雅淵源於歸有光書法妙天下尺牘寸簡人

爭傳購與唐時升程嘉燧為練川三老

崇祀鄉賢

唐景亮字明仲居羅店萬歷癸卯舉人仕太和教諭陞南京國子學錄歷大理寺都察院司務會京師有警協守彰儀門有勞陞南京車駕司員外督馬政夙弊頓釐遷職方郎中邊事告急群議堅執登陴景亮謂五方襍處之地家無宿糧勿張皇致擾大司馬深然之出知延平府理冤獄平市價輕贖鍰在任八月以疾歸景亮秉性清介通籍十二年未嘗受私謁解組後與弟景南構玉蘭堂兄弟讀書其中日相酬唱著有職

方紀略劔津政錄

周之謨字公顯居大場遷嘉定西城通經學登萬歷癸丑進士授開州知州開民苦俵馬每一匹價十兩官扣其四軍衛復多橫索之謨因躬自給價而所進馬毛齒尺寸罔不知令無匹馬發換者民俗禱雨鞭旱魃至有斃孕婦碎屍骸者又多同姓為婚皆力禁之考最擢職方員外郎旋以疾卒所著經解刻於開州官舍又著有四書旨意義經狐白兩蘇合刪諸子古髓性理集要綱目摘要古文統宗諸書崇祀鄉賢

王道通字晉卿居羅店邑諸生負經濟才雅不欲

以文章名而文極古茂師沈賓喪心喪三年入其室終身不敢正坐精通聲律在長洲幕中聞鐘聲曰國將有大喪閱七日邸報至陳太后崩嘗居親喪邑令謝三賓往訪之道通辭固請乃不易服接見著有簡平子集

嚴衍字永思邑諸生父景陵字伯阜居十一都勤學好古工舉子業學使者拔冠九邑衍徙居嘉定邑城授徒精於史學以司馬氏通鑑中多疎漏作通鑑補五百卷閱三十年始成詩文渾灑有蘇氏風書法褚米作擘窠大字更奇偉為人孝友篤誠鄉里尊爲大師歿祀鄉賢門人談允

厚字厚君邑庠生積學工文性行高潔以妹妻之補輯通鑑多得允厚力行幼子恒字久持亦工詩能書

馬元調字翼甫居邑之馬墳橋後遷嘉定南城五歲時聞張應武邱集論說輒佇聽不移足受學於婁子柔恣通經史每閱一書必購別本校勘點畫之訛一一改正學者稱簡堂先生城下時遇兵死

黃通理字中伯其先自嘗熟徒於嘉三傳至通理少苦學三十病癆瘵棄諸生隱膠之羅溪以經學授里中從游者皆知名士志行高潔翛然絕

俗日坐一室中焚香啜茗以讀書自娛凝塵滿  
席自如也性耿介又和易凡慕義而來者熙熙  
如坐清風中徐大宗伯顏中堂曰春陽人遂以  
春陽先生稱之孫與堅少孤苦力學登順治己  
亥進士

沈宏之字茂之賦形尪羸深於經術凡九邊要害  
馳驅抵掌如在心目曾入袁經略幕未得展其  
竒已而館涿州輯武事全書五載書成涿州以  
進御上悅之族弟廷揚例入中書宏之爲建海  
運策以是得上寵四年之間省解費數萬餘金  
皆宏之力也歸老江東不復出年八十有二臨

歿手不釋卷族弟徵佺能紹其緒著有江東志  
蘇時麟字泰醇孝友嚴格終其身無欺人之語有  
子澆出繼仲氏遭外變不果立千金之產悉讓  
二季其敦骨肉而疎財如此有故人盜其室中  
物去後復至子弟不禮之嚴誠諸子曰彼以貧  
故爲此何得傷親誼也平生惟喜讀書手不釋  
卷纂抄經子古文盈尺授諸子家貧鬻產以延  
師曰以產貽子孫不如以詩書貽之也明季徭  
役甚重不令其子赴公門曰秀才一入公門不  
獨學廢兼氣卑而顏厚矣長子澆爲諸生早亡  
季子淵壬午舉於鄉

朱子素字九初性純孝母故下急事必先意承志所居名懷石山房庭下有孤桐先世手植百年物也讀書其下時承唐婁諸先輩後隱然以考述自命歲甲申需次宜貢竟不赴試輯歷代貴民錄以見志焉晚年游草有封禺銀陽二編又搜攷邑中人物詩文名吳膠文獻分前後部凡五十卷臨歿時授其子晨曰此我未竟書也

國朝

許自俊字子位吳淞軍籍父大達有隱德自俊徙居嘉定北城康熙庚戌成進士時年已七十矣後九年授聞喜縣令分校辛酉鄉試尋乞歸又三年卒年八十四自俊記誦諳洽詩文絢爛一時傾動事父甚孝構遲日草堂為父招老友時每壺觴花卉之樂

寶山縣志

卷七  
儒林

十九

蘇淵字眉聲弱冠為諸生貌清癯性愿恪言訥訥不出口偕伯氏澆讀書潛浦之上為制舉業如濯錦春江鮮麗奪目時未嘗有識之者同邑侯雍瞻素精月旦人號龍門一見淵文大竒之題其卷云如此文一字十縑猶云薄贈眾乃絀服壬午與黃淳耀陳俶並舉南闈三人者志行略同迨淳耀殉城難淵撫其孤堡課讀妻女折箸如子壬辰以副車例為碭山教諭日坐臯比與

諸生講道論藝隣壤負笈從游者甚衆後歸里  
閉戶著書邑中河漕諸大事惟淵持議鑿鑿不  
苟雷同著有或齋稿若干卷猶子樗什而藏之  
淵兄澆諸生性至孝從弟諸生澍晚而不遇仿  
遺山中州遺意著續練音集

孫致彌字愷似元化孫家貧好學才情藻逸尤長  
於詩康熙戊午和 御製詩四十韻稱 旨遂  
以太學生假品服為朝鮮副使購藏書是年中  
順天鄉試與修幸魯盛典戊辰成進士選庶常  
授編修壬午典試山西尋充纂修佩文韻府總  
裁歷官至翰林侍讀學士其纂修勤且久考核  
詳慎書成而卒賜金以殮 敕內務府護喪歸  
里生平著述甚富

寶山縣志

卷七  
儒林

三

李實字玉如居胡家庄自幼以孝聞好古力學修  
行不怠知縣陸清獻公試童子閱其文曰是必  
潜心理學者拔第一補諸生後得陸公指授益  
務寔學為入室弟子著有學庸順文一編長子  
天植廩膳生克紹父志次子錫秦歷仕粵西職  
司明刑矜恤好生不愧家學淵源

劉幹字上旋居劉行雍正甲辰進士出宰涇邑性  
慙直語無委曲為諸生時布衣蔬食沉浸六經  
子史有所得必書而記之著有易學敲音古今

類書二十卷清書體要十二卷

金潮字來青雍正七年歲貢與李寔同為當湖陸清獻公高弟潛心力學脩身勵行儀封張清端公撫吳時聘入紫陽書院講明理學後陞任總督倉場仍延邀同往纂輯書集著有學庸集說施燧字禧石自幼敏慧於書無所不讀十四歲父亡即接父館訓徒改削舉業無不心服入泮後試輒冠軍

聖祖幸江南獻詩賦獲選雍正癸卯黃崑圃典試南闈及放榜燧置副車深為憾事延至家訓其子姪著有筠坡詩文集

寶山縣志

卷七  
儒林

三

張雲章字漢瞻世居橫港晚遷嘉定南城居父喪幾至失明奉母垂四十年老而孺慕撫教四弟俾各有立受業上海朱瀚善詩古文湘潭陳公鵬年為序其集嘗從清獻陸公問學以廉隅自砥礪年七十九以太學生終於家先是興化李總憲構延至家園補葺其先人映碧先生所增注南北史閱七載始成康熙癸巳九卿薦徵至京師預纂修尚書館訖事告歸張清端伯行素重其文行時總督倉場留主潞河書院

沈卓字穎發居十一都沈港父早喪事母至孝家貧不能延師寄食僧舍執經於陸燿三年遂通

六籍工詩文積成卷帙康熙庚子登賢書後不數年病亡惜未展其懷抱

按儒者遜志好脩進蜚竹帛之光退有鄉曲之譽雖龍躍蠖藏顯晦殊致要以力學窮經則一也寶山碩彥接踵編次儒林繼自今頻獲遇斯人焉不更深余之欣慕哉

隱逸 十一人

元 嚴恭字景安居黃姚父倣仕通山縣尹恭才藻斐然恬淡不樂仕進嘗築室海上號惜寸陰齋以琴書自適後避亂於青龍之章堰

明 王翹字叔楚一字時羽居羅店補諸生旋謝去饒有機略嘉靖間倭亂嘗居軍中贊畫詩宗孟郊画工風竹草蟲時仿米家山水酒酣濡筆求者無不滿意去豪貴強之即不可得冬月詣故人金兆登宿兆登伺其寢潛以新衣易之質明仍索鶉衣服之而去著有小竹山人集



沈宏正字公路由八都徙居嘉定東城母喪三年不御酒肉又次諸生絕意仕進天啓初詔求岩穴之材大臣疏薦謝不應為園十畝有水石竹木勝詞客酒人常滿坐性喜聚書所藏多善錄枕中草救荒書兔置野談印錄墨譜諸書孫和斗字九野居江東中丞元化仲子孝廉致彌其子也篤於孝友乙酉城破弟諸生和京夫婦死難和斗與兄和鼎謝去諸生理名著書不涉世務或諷以仕輒不應食貧偕隱泊如也著述甚富藏之家塾

殷開之字長文居大場邑諸生職方郎都長子閑戶讀書絕無紈袴風雷學士思霈為職方門人授以要津劄遜謝之贈以百金亦辭不受其志節有足尚者

沈宏祖字彥深高才博學與金壇婁東並主文壇邑有大事有司咸往顧問崇正朝以永折事叩閭稿出其手得以俞允遇歲荒糶給官米有司令宏祖主之民得實惠平生具經濟才當道欲薦舉宏祖不樂榮仕力謝之高隱以沒子承祐己卯武科

馬舒字應之居馬墳橋元調子少承家學博洽群書絕意仕進屏居荒邨資硯田以餬口工古文詞聘修邑志成後預補修痼疾大作竟不復竣事而歿

申艇字師舟居羅店三歲而孤母楊氏撫之成立讀書砥行中明崇正己卯副榜後隱居奉母授經以老著有見聞隨筆

沈卜琦本姓卜字一韓居江東少從中丞孫元化遊具經濟寔學元化治兵邊關卜琦常在軍幕已而歸里補諸生後屏居村塾口不談時事及歿崑山諸士儼私謚之曰景白

沈晉公字二裴羅店人篤於孝行善詩文尤長樂府為當湖陸公所器重陸公致仕歸里邑人侯大年往候之問及二裴大年愕然不知陸公曰此高士子未識乎大年歸即與締交一時名士爭往候之然終杜門不出著有排齋詩集信古齋北曲進士趙俞為之立傳

黃堡字雲沼明進士淳耀子四歲而孤及長工詩能文絕意應舉隱居授徒以老為人介特有守上琮字文琦進士從子孝親力學工詩善醫居貧終老堡子正儒庠生一統志館議叙府經歷

元 譚友文字士元居月浦精陰陽家術仕至朝散大夫判太史局居官廉謹雖身見知權要未嘗以干請自溷時論重之

明 金大雅字伯醇少稟伯兄大有之訓奮自力學有名於庠旁通軒岐之書歲大禘人多病疫所治輒效遠邇爭迎之父母遇疾朝夕侍側不去所投藥必遍檢方書或虔禱於神然後為劑以進其孝誠類如此一人少年在官置婦於家子身上郡久之病瘵而所述病狀殆近女如蠱人疑其客舍有私大雅往察脉曰今病在右言左何也豈得之酒乎此不過兩劑即起但病起後當

寶山縣志

卷七  
藝術

三五

脾肺兼補以須元氣之復耳已而果然平生好急人之病有求必應故人無戚疏咸禮重之

傅璪字汝文居江東世業醫璪視病決死生死無不驗者有沈某妻死而未殮璪視之曰尸厥耳不死也急治湯液灌之應手而甦嘗與鄉進士沈積同舟卧胗其足脉歸語積父曰郎君殆有疾徵不宜令與計偕不為意卒道死其神異多類此授醫術訓科

王綸字子音居羅店能文解歌曲嘗以紙鑿燈帶物花鳥諸形工細稱絕

國朝

李繼隆字持盈新安人遷居江灣善岐黃子維界  
字大千能傳父業嘉定知縣馮聯芳給匾

張古民字仁遠號南田世居楊行後遷羅店善山  
水絕似長衡筆意訓徒嚴而有法爭延為師咸  
號南田先生

張濤字紫瀾居楊行業醫尤長於傷寒有起死迴  
生之術

俞嘉言字世則居吳淞初習外科後兼大方名藥  
一時遇貧者求醫雖肩輿迎候盈門必徒步先  
往治之年八十二而卒

附 仙釋 四人

寶山縣志

卷七  
藝術

三

智恆禪師梁天監中住錫沙浦塘聞聲中有獸為  
虐因趺坐經旬偶村叟饋食見有二虎馴狎左  
右里人為剏寺居之

黃上仙嘗遊京師值歲除遇高橋鎮故人以北蓮  
羈燕語及旅中卒歲之況謂其人曰汝欲飲椒  
舟閉目熟睡勿聲息可即至也其人素神其術  
即如其言捲篷扁艙偃息以俟耳畔忽聞風雨  
聲終夜弗息迨曉聞呼篙工起棹推篷視之舟  
至吳淞江左矣不知所自來第遺木葉數莖於  
舟尾耳更聞有附舟者拳曲舟尾半夜舒腰反

側即從空而墮明發詢之乃維揚北境也

顧元本清浦里人家貧落魄為黃冠浪跡江湖遇異人授以五雷符篆之訣歸試甚驗邑大旱大尹召之請雨元本以禮倨不見但書一符於瓦授縣役令歸報命大尹怒擲瓦階下瓦碎雷從碎聲出大雨如注靈驗多此類元本書符皆不用筆或以指畫或用草樹枝但書神將即見形書退符即退一日登廁以手虛書將已至令取拭穢紙及起雷擊死其書亦為雷火所焚莫傳其術

朱癡不知名居高橋鎮負擔為生一日為勢家所

虐顛發成狂久之得秘授常卧大雪中所棲無少沾每浣衣濯足天必雨或數日不飲勺水已復噉啖如初好事者為結茆於鎮東界溪之側太倉相公歸休病中恍見蓬首跣足若丐者狀稱為朱仙覺而異之詢知青浦有異人圖其形與所見無異因偕子辰玉訪之與之言多隱語與之酒辭屏語家中事亦不答於是三吳諮訪者接踵而至朱癡自此頗厭見人每掩龕憇息或旬日不出如是數年人習為常一日啓龕視之已僵脫矣蓋尸解也歲餘人有過當湖武林間鶉結如故忽憶其亡久急蹤迹之已失所在

矣時萬歷三十六年也

按攷古不能使野無遺賢矣堯舜在上巢許在下也編分邑志迹其嘉遜邱園優游自得與物無私有足稱者藝術小道可觀由來尚矣其忠超元解能擅靈竒未可以雕蟲小技壯夫不為而槩棄之仙釋雖教異吾儒但其撇却塵氛從容羽化俱寔有操修得力非同偶然曷可以歸於冥茫竟置勿論故並附編次焉

流寓

五人

元 趙孟頫字子昂吳興人父為黃姚塲大使因往來嘉定嘗館大塲沈文輝家文輝方建義塾孟頫乘輿遽於木板上作義塾二字自謂愜意及後累書不逮竟用初筆

吳野人名輒字中行越之台州人元末羣雄並起嘗辟輒為幕客已知天命有歸遂遜跡泖濱懸壺陳溪之上顏其室曰野人居雲林為之繪圖而鐵崖龜巢諸詞人咸咏歌以誌其勝後徙青浦里之天仙街今其宅東有始祖墓即野人宅兆也子孫世業醫

焦白字任道淮南人才志不羈張士誠辟為湖學教授不就以詩畫自適明初蒐儒白變姓名寄食邑人林元家一夕心動省母吳城為門校察知延訓諸子郡曹迫至部乞歸養弗得或諷曰君頎而髯黃金加鞞爵列侯等不愈於帶索耶白不答卒年五十

楊維禎字廉夫會稽人元泰定進士累官江西儒學提舉號鐵崖徙居松江往來吳淞諸大家爭尊事之碑刻題咏多出其手所著有宋遼金三史正統辨史鉞史義拾遺麗則遺音古樂府

國朝

寶山縣志

卷七  
流寓

三

十八

董德其字屺瞻原籍松江父宏度叔宏儒皆以經師教授邑中至德其遷居廠頭康熙戊午舉人需次縣令不赴選居常安貧味道志行卓然有兩世詩文集從弟歲貢生德華壬辰進士宏其子也

按流寓非本地人才矣其遺文軼事嘖嘖口碑實有可以稱述而既遨遊寄居於此謂非此地之人才哉第究與土著不同因以流寓列之

列女

明 徐氏名懿順大場徐霽女許字諸生甘應麒未嫁夫亾聞訃欲詣甘父母不許請送葬又不許遂自經嘉靖七年詔旌郭山傳見藝文

水氏吳金妻金漁吳淞江上為虎所噬金兄奔告水即挺刃往格亦成於虎祀節烈祠陸剛中刺虎行見藝文

顧氏八都沈鵬妻天順五年七月海溢姑與夫俱死次日遂自沉長子湘有文學郡人都穆為之立傳

嚴氏十一都南準女未嫁夫亡父母議再字女聞

寶山縣志

卷七  
列女

四

勺水不入口家人強進糜嚴嚼碗哽吻而死嘉靖初年

孫氏上海刑部司務鶚女八都生員沈思道妻少知書夫病瘵死即引刀自刎以救免百計自殘家人旦夕守視明年七月扶柩營葬又投江救起事畢醉侍女扃戶自經年二十七嘉靖十九年詔旌祀節烈祠

劉氏月浦潘日期妻十七歲而婚產一女日期死值歲稔竭力養姑常自忍饑居二年有欲奪其志者劉聞泣與父母訣返祭夫哭盡哀扃戶自縊年二十七萬曆十八年詔旌祀節烈祠于道



通傳見藝文

熊氏吳淞生員王度妻度貧携家受徒于崇明之南沙聞倭至夫婦負子女匿葦叢中賊追及之見熊有姿色欲執之去度抱持甚固賊以刃亂砍熊翼蔽度度免而熊以傷重死提學趙鐘聞之賻米三十石御史尚維持奏聞詔旌祀節烈祠宗伯徐學謨為之立傳

殷氏八都黃龍妻龍死殷請守節舅姑疑其偽里兒慕氏賢強委禽于舅姑殷固請辭弗聽乃告其姑曰婦不得已將改嫁矣幸延吾母及鄒氏姑為別鄒氏姑者龍母黨龍幼寄育併為娶婦

者也二母至婦進酒饌且拜且泣曰諸大人飲食自愛長與膝下辭矣即行哭入房為改服狀久之不出聞刀落聲排戶視之已自刎矣時天啓元年其家膏葬後二十三年里人張錫眉為合葬進士黃淳耀為立傳祀節烈祠

王氏楊家行黃淵耀妻貢生王雲程女氏當夫殉難之次日拜別姑嫜祭奠先靈縫周身衣投河死祀列女祠

秦氏名桂芳七都陳時康妻十七歲夫亡遺腹生子常倫守節撫孤姑疾割股以療嘉靖四十三年詔旌年八十三而終祀節烈祠

邱氏七都殷冲妻二十七歲夫亾事姑孝遭倭警避入城募人夜縋城瘞夫襯奉先世木主入城姑歿葬兩喪盡禮萬歷十年詔旌和節烈祠知縣朱庭益表其墓

潘氏吳淞舍人馮慶妻十九歲慶渡海溺歿氏以死自誓撫遺腹子繼光家貧茹苦年七十萬歷間詔旌祀節烈祠

湯氏吳淞舍人馮郊妻二十三歲夫亾家貧子幼姑老病力作以養萬歷間巡撫胡執禮題旌月給膳米祀節烈祠

許氏吳淞百戶徐澣妻十九歲夫亡姑憐其少欲

嫁之氏籲天灼臂誓不可奪所司聞之監司歲給夫祿之半膳養嘉靖甲寅寇亂從母兄百戶許英避居邑城卒年七十英歸其喪合葬夫穴顧氏崑山御史潛女劉家行生員劉在妻年十七而婚五載夫亡守節三十八年歿時乳生疽家人請療顧曰婦人之身豈可令醫者見遂以麻縷百結其身不食而死與徐楊童等三氏俱妯娌稱一門四節龔錫爵四節婦傳見藝文徐氏劉璫妻年十八而婚四載夫亾守節四十四年

楊氏牛員劉載妻年十八而婚逾年夫亡守節五

十四年

童氏劉岑妻年十八而婚未兩月岑死守節五十三年與顧徐楊妯娌也俱無子楊童遭倭亂室燬不肯僦居並棲草舍茹素終身死後宗人劉鋒葬之

黃氏八都沈燧妻二十九歲夫凶守節五十年

盧氏廣福鎮須講妻二十一歲夫亡值倭亂歲稔艱苦備嘗孝養舅姑撫育遺孤守節四十年萬

歷十三年臺使獎給粟帛歿年六十七歲

尹氏吳淞軍餘劉棟妻萬歷二十五年生子嘉爵值倭亂棟從軍死尹撫孤守節三十餘年

寶山縣志

卷七  
列女

四三

四

顧氏八都生員沈錫類妻避倭之湖州夫疫死兩子俱幼氏扶櫬歸教養二子守節五十六年終年八十歲

傅氏八都沈珠妻年二十五夫死於倭結禱甫四月家貧傅啣指自誓守節三十三年

曹氏八都沈自正妻年二十三自正以徭役溺死呂梁訃聞慟哭嘔血死三日復甦言獲見其夫具黑衣冠當以某日至如期櫬還既葬氏舉刀欲刎又解腰絰自經並以救免孤甫三歲腹尚有娠值倭亂流離播遷子後廢疾卒年八十有

三

孫氏八都吳里妻年二十里死於倭氏負其姑東  
西奔竄比寇平而姑死盡鬻遺田六畝以供喪  
葬日無再食之資及病篤語子婦曰自爾父亾  
我衣此衣四十年勿復以新衣衣我因親紉其  
衣而瞑

蔣氏名淑賢大場沈傑妻傑死無子守節至九十  
餘歲

張氏大場沈恂妻二十八歲而寡姑在堂子在抱  
紡織以資養育守節至七旬而歿

張氏吳淞副千戶莊肅妻二十三歲夫亾子重甫  
三齡氏力作奉姑撫孤守節至五十八歲巡按

溫應祿表其閭

章氏父家常熟嫁吳淞宗時年二十一歲夫亾遺  
孤孟甫六歲歸常熟寄食母家迨孟娶婦欲歸  
吳淞親屬難之章曰兒已成立當爲松楸計豈  
得因寡婦人長依外家耶卒歸吳淞臺府給獎  
陸氏吳淞百戶謝國輔妻國輔奉差歿廣東氏年  
二十六歲一子一女在抱太姑及姑俱年邁氏  
毀容紡織以供衣食守節至老

侯氏劉鑑妻年二十歸鑑五載鑑死守節五十四  
年崇正十三年臺使交獎任劉行天號十一首  
鑿氏八都沈顯祖妻二十九歲夫亾守節終年六

十歲

馮氏府庠范嘉允妻二十二歲夫亾于甫數月撫至十六歲而死馮不櫛沐不茹葷都督李獎曰崇褒懿節嗣子吉娶蕪氏五年吉溺死蕪亦苦節死馮終年八十婢玉梅事馮不嫁馮歿哭死沈氏周號四十七畱金士琰妻年二十三而寡遺孤鑿甫一歲矢志守節耕織茹苦訓子成立年九十歲督學李以母節子孝給獎

徐氏楊行張用中妻夫亾守節

陸氏宣恩妻二十四歲而寡遺二子長四齡幼襁褓夫死誓以身殉三黨以撫孤力勸之因截髮

寶山縣志

卷七  
列女

四五

毀容勤紡織以自給冰霜貞操歷四十年如一日孫鑣邑諸生

徐氏嚴家角嚴聖始妻二十二歲夫亡無子舅姑方在殯徐矢志守節家奴乘亂為不逞徐以身蔽護三柩叱曰貲可刼頭可斷柩不可焚也奴縛投烈焰中火隨滅無恙後卒營塋如禮終年七十八邑人趙俞為立傳

楊氏羅店申畋妻二十八歲夫亾守節撫三歲孤艇崇正己卯副榜氏終年九十一歲朱子素詩序見藝文

施氏羅店進士鳳儀妹生員戴高妻二十九歲高

死截髮毀容撫孤守節舅戴靖死於兵施從兵  
燹中匍匐收殮又數年子天鞠育幼孫終年六  
十九歲

林氏吳淞百戶馮珙妻二十七歲夫亡撫孤守節  
三十餘年

王氏羅店朱巨卿妻年二十而婚未幾巨卿死于  
兵王欲殉舅姑以懷娠勸止之守節二十八年  
崑山諸士儼為立傳

宗氏涓浦蘓時化妻二十七歲夫亡子融甫五月  
守節撫孤家奴變逆宗度不免哭于柩旁諸僕  
至門皆自悔曰三十年老寡婦豈可驚之遂散

寶山縣志

卷七  
列女

四六

去陳瑚作傳見藝文

國朝順治十三年

詔旌

趙氏裳號沈燬妻二十八歲而寡家貧以紡織供  
朝夕守撫二孤長大忠次大志母病先後割股  
以愈其疾天啓五年旌表

趙氏稱號徐端翼妻年二十一夫亡矢志守節萬  
歷四十一年旌表

封氏生員趙允淑妻二十二歲夫亡矢志守節教  
養遺孤孝事翁姑年五十九歲而終

戴氏儒士王佳穎妻二十一歲而寡撫孤夫亡矢  
志守節終年八十二歲

國朝

李氏父南翔富家無子氏年十八適湄浦蘓潤五載夫亡置木主於臥室飲食相對里兒艷其富且美賂夫兄謀娶之李聞怡然曰吾固知吾不終也請設祭而後行祭畢慟哭入內自經時順治初年

須氏吳淞金光國妻年二十三夫亡撫週歲子鼎鎔成立既娶復夭與媳曹氏撫孤孫潢至六十二歲而終順治九年憲獎祀節烈祠媳曹氏七十七歲而終雍正六年 詔旌一門雙節

沈氏金士琰妻年二十三歲而寡矢志守節撫孤

寶山縣志

卷七  
列女

四

鑾成立終年九十歲

以上順治年間節婦

黃氏大場葛子延妻二十七歲夫亡舅姑以家貧諷之改適黃以死誓耕織養舅姑撫嗣子守節三十四年

楊氏羅店朱伯雅妻二十九歲夫亡矢志撫孤子迪以孝稱守節四十二年

朱氏羅店丁尚符妻二十四歲夫亡守節三十四

年

楊氏羅店胡敬坪妻夫亡守節撫子成立年八十

一而終

沈氏江東張敬懷妻二十九歲夫亡守節年七十

七歲而終

以上康熙年間旌表

錢氏月浦莊天階妻二十歲夫亡守節三十九年

黃氏七都金泰成妻二十四歲夫亡守節四十二

年

寶山縣志

卷七  
列女

四八

徐氏江東顧寧宇繼妻一十三歲夫亡守節四十

九年

瞿氏江東張暉吉妻二十一歲夫亡守節四十六

年

李氏大場吳友梅妻十九歲夫亡事姑盡孝守節

五十二年

嚴氏羅店生員龐灝妻二十八歲夫亡守節四十

一年貢生龐王遴其子也宮詹張鵬翀為立傳

徐氏江東鍾玉儒妻玉儒依母族居七都徐年十

九二十二歲夫亡紡織自給守節至六十五歲

而歿



龐氏羅店監生范鳳翔妻十九歲夫亡撫六月遺孤之顛為邑庠生守節五十三年

唐氏大場江序妻十九歲夫亡矢志守節孝養舅姑年七十四歲而終

施氏沈耀宗妻二十二歲夫亡守節四十年

徐氏霜號金瑞生妻二十八歲夫亡守節四十三年

馬氏趙又韓妻二十五歲夫亡守節六十一年

李氏大場儒童吳松妻二十二歲夫亡守節二十二年

以上雍正年間旌表

浦氏七都茂甫女年十四許字周恩次年夫亡氏於母家守貞終年七十餘歲

范氏羅店儒童唐湛聘妻湛死氏年二十二歲歸唐守貞孝事翁姑終年四十五歲

顧氏洪號朱方暉聘妻夫亡過門時年二十六歲守貞三十九年

袁氏霜號沈運妻年二十一歲里兒欲污之白忿縊死

謝氏吳淞馮曰樑妻二十二歲樑歿於京師撫週歲孤煖長娶劉氏時劉年八歲越五載煖卒劉氏亦二十三而寡姑媳相依茹苦畢生謝守節

四十一年劉守節三十一年

陳氏大場監生唐懋才副室十六歲適唐六載而

寡撫孤守節三十年

邵氏有號陸斌妻十九歲而婚二十三歲夫亡守

節終年九十四歲

施氏大場周德深妻二十一歲夫亡撫遺腹子楫

成立守節四十五年

程氏月浦徐聞昌妻二十二歲夫亡守節三十二

年

張氏羅店王涵文聘妻涵文死氏年二十二歲過

門守貞侍奉翁姑撫三歲叔又殤撫嗣子成立

寶山縣志

卷七 列女

五

張氏芥號黃揆九妻二十二歲夫亡生遺腹子天

守節三十六年

錢氏芥號李思資妻二十八歲夫亡守節四十六

年

陳氏發號王維彤妻二十八歲夫亡守節三十四

年

楊氏生號桂元彩妻二十九歲夫亡守節四十三

年

李氏生號桂庭彩妻二十六歲夫亡守節三十四

年

張氏發號楊維節妻二十九歲夫亡妾陳氏十八

歲適楊時年二十一歲兩氏守節皆三十二年  
金氏發號壽朝錦妻二十六歲夫亡守節三十五  
年

王氏八都沈思齊妻二十六歲夫亡守節四十一  
年

楊氏唐季仁妻二十七歲夫亡守節四十七年

徐氏盈號三十五畝陸源妻二十六歲夫亡守節  
四十七年

徐氏盈號監生瞿集聲妻二十一歲夫亡守節三  
十六年

王氏盈號陸桂妻二十六歲夫亡守節三十一年

寶山縣志

卷七  
列女

五

潘氏秋號潘儒珍女張龍聘妻母歸寧王連覘氏  
獨寢強污之氏震喊儒珍救免氏含忿自經死  
黃氏露號李楷妻二十八歲夫亡守節四十五年  
張氏崗號庠生高琦妻二十六歲而嫁未及一載  
夫亡無子守節四十九年

徐氏珠號沈仲明妻二十八歲夫亡守節五十七  
年

沈氏芥號姚惠傳妻二十六歲夫亡守節四十三  
年

張氏裳號楊爾能妻二十六歲夫亡守節五十三  
年

楊氏胡孀座李雲妻二十七歲夫亡守節四十二年

譚氏露號李春隆妻二十九歲夫亡守節六十八年

張氏裳號生員楊漢妻二十五歲夫亡守節三十年

李氏生號儒童諸文謨妻二十六歲夫亡守節五十一年

吳氏楊行沈德培妻二十九歲夫亡守節四十五年

辛氏八都楊啓麟妻二十四歲夫亡守節二十二年

寶山縣志

卷七  
列女

五二

年

嚴氏號字號黃集福妻二十歲夫亡守節三十六年

張氏周號金光啓妻十八歲而嫁旋即夫亡守節四十一年

甘氏姜號吳君馨妻二十九歲夫亡守節四十年

三年

陸氏金號生員周冕妻二十六歲夫亡守節三十年

顧氏羅店奚昌社妾二十八歲夫亡撫育四孤家徒壁立族人謀佔其居諷以改嫁顧峻拒之守節三十七年

顧氏楊行沈為妻二十五歲夫亡守節二十六年  
周氏周號十六畝金鼎妻二十二歲夫亡守節至  
四十六歲而終

盧氏為號朱士才妻二十二歲夫亡守節三十一  
年

甘氏生號陳德明妻二十九歲夫亡守節三十四  
年

吳氏夜號東五畝施于明妻二十九歲夫亡守節  
四十八年

顧氏雲號周穎懋妻二十一歲夫亡守節五十九  
年

張氏雲號周天爵妻二十七歲夫亡守節五十九  
年

張氏推號高含芝妻二十八歲夫亡守節四十六  
年

沈氏衣號高尚源妻二十八歲夫亡守節五十七  
年

王氏衣號許高妻年二十六歲被里兒調戲自經  
死

吳氏裳號陳敬山妻二十九歲夫亡守節三十三  
年

沈氏珠號姚繼徽妻二十八歲夫亡守節四十五  
年

年刑部員外郎董洪有傳

吳氏雨號夏宗煥妻二十一歲夫亡守節三十九年

沈氏巨號張有榮妻二十三歲夫亡守節三十一  
年

王氏羅店沈公執妻二十八歲夫亡子甫四月紡  
織撫子葬翁姑守節五十餘年

倪氏生號監生於景濂妻二十六歲夫亡守節五  
十三年

張氏霜號茅鳳翔妻二十九歲夫亡守節三十年  
吳氏發號生負管徐琮妻二十六歲夫亡守節四

寶山縣志

卷七  
列女

五

十六年

吳氏馬鳴岐妻二十五歲夫亡守節三十五年

周氏張子英妻二十九歲夫亡守節五十五年

楊氏侯蓋臣妻二十四歲夫亡守節五十三年

劉氏徐子榮妻二十六歲夫亡守節二十八年

顧氏周號盛三泉妻二十七歲夫亡守節四十六  
年

年

張氏口號陸恩祥妻二十四歲夫亡守節二十五  
年

年

徐氏巨號朱斐若妻夫亡守節歸寧母家婁縣逆

僕陳阿二入室圖姦不從被刀戳殞命乾隆六

年 旌表

錢氏月浦陳發育妻夫亾守節唐楊全圖姦不辱  
授緼死乾隆六年 旌表

朱氏雲號張齊英妻二十六歲夫亡守節五十五  
年

王氏雲號張宏德妻二十一歲夫亾守節四十年  
楊氏字號周成干妻二十二歲夫亡守節三十八  
年

楊氏霜號儒童張德純妻二十八歲夫亡守節三  
十四年

陶氏夜號張大烈妻二十四歲夫亾守節三十六

寶山縣志

卷七  
列女

五

年

馮氏黃號李朝英妻十九歲夫亡守節三十九年

沈氏虞號湯綴侯妻二十七歲夫亾守節四十年

張氏為號沈為川妻十八歲而婚七月夫亾守節

三十一年

施氏有號陳孟和妻二十八歲夫亡守節五十三  
年

施氏吳淞宗書城妻副榜施燧之妹二十六歲夫  
亾守節四十三年

李氏生號張文達妻二十四歲夫亾守節二十八  
年

吳氏藏號王爾章妻二十歲夫亡守節三十七年  
王氏巨號黃周司妻二十二歲而嫁甫十月夫亡  
守節三十一年

許氏金號張國瑞妻二十五歲夫亡守節四十三  
年

沈氏黃號袁允昌妻二十三歲夫亡守節四十五  
年

封氏羅店范光昭妻光昭遇兵死氏年十九欲投  
河以殉姑以氏有娘力勸止後生女撫姪為嗣  
終身坐卧一小樓未嘗聞言笑年四十七而歿  
崑山諸士儼為立傳

寶山縣志

卷七  
列女

五六

錄氏衣號陸聖儀妻二十歲夫亡守節五十五年  
徐氏周號儒童金其章妻二十五歲夫亡守節三  
十六年

傅氏日號儒童黃振先妻二十五歲夫亡守節二  
十五年

顧氏盈號沈云石妾二十二歲而寡守節四十年  
殷氏餘號顧尚瞻妻二十八歲夫亡守節三十八  
年

沈氏歲號徐允大妻二十一歲夫亡守節五十年  
俞氏露號須佩聲妻二十九年夫亡與副宰莊氏  
年二十二歲同守節三十八年



戴氏宙號須自樹妻二十九歲夫亾守節五十年  
沈氏稱號儒童徐桐妻二十八歲夫亾守節四十  
三年

朱氏洪號王緯繼室二十九歲夫亡守節二十六  
年

莊氏朝號蔣文衡妻二十歲夫亾守節三十九年  
趙氏問號陳仁譽妻十九歲夫亾守節五十三年  
趙氏黃號明延平府唐景亮妾嫡姚氏無子趙生  
子操甫六歲景亮卒趙年二十七撫孤補諸生  
又亾同媳施氏撫諸孫年終七十五

符氏生號程溥妻十七歲夫亾守節三十五年

寶山縣志

卷七  
列女

五

潘氏裳號生員顧杜高妻二十四歲夫亾守節三  
十一年

嚴氏王志鳳聘妻十五歲志鳳天氏過門守貞五  
十歲而終

朱氏崑號錢敬妻二十八歲夫亾守節四十五年  
趙氏爲號徐師信妻二十四歲夫亾守節三十一  
年

嚴氏羅店華鏞妻夫亡二十五歲守節三十七年  
支氏崗號鄭清如妻二十二歲夫亾撫孤成立守  
節三十年

張氏結號楊啓楨妻二十四歲夫亡守節三十八

年

葛氏字號張廷元妻二十三歲夫亡守節三十七

年

潘氏秋號管國彥妻二十六歲夫亡守節三十五

年

何氏月浦陸廷議妻二十五歲夫亡守節四十八

年

林氏七都桑進賢聘妻未婚進賢卒氏年二十歲

守貞三十二年乾隆九年詳旌

沈氏楊行張昂聘妻父母死依孀嫂以居未嫁昂

死請之嫂衰經奔喪舅為立嗣越六年痘殤姑

寶山縣志

卷七  
列女

五八

欲奪其志遂自縊時康熙三十五年年二十五

歲乾隆九年里人公籲詳旌劉幹傳趙俞詩見

藝文

朱氏巨號沈國祥妻二十七歲夫亡守節五十一

年

鄒氏雲號錢憲英妻二十九歲夫亡守節四十三

年

須氏為號西四十七畝王祖才妻二十五歲夫亡

守節三十年

錢氏羅店高永祚妻二十八歲夫亡守節五十二

年

金氏元號顧永熙妻二十三歲夫亡守節五十一  
年

張氏黃號施麟瑞子恒宗妻二十二歲夫亡一子  
天守節三十二年

沈氏雲號蕪子馨妻二十九歲夫亡守節五十二  
年

蔣氏崑號曹嶼丹妻二十八歲夫亡守節三十八  
年

宋氏元號金方平妻二十四歲夫亡守節三十九年  
楊氏羅店潘志禮妻二十四歲夫亡守節二十八  
年

寶山縣志

卷七  
列女

五九

王氏崑號生員曹介侯妻二十七歲夫亡守節三  
十九年

程氏楊行劉志鵬妻二十八歲夫亡守節二十四  
年

朱氏徐啓明妻二十歲夫亡守節六十二年

陳氏張玉如妻二十七歲夫亡守節四十年

朱氏金方平妻二十一歲夫亡守節三十九年

以上乾隆元年至九年詳題旌表

張氏吳淞顧讓妻十六歲歸讓逾年舉子而夫亡  
氏矢志守節姑老目盲晨起舌舐之久而愈子  
發逆痘鑿稱不治泣向空禱得甦撫養成立終

年七十二歲

祝氏金號儒童談尚承聘妻年十六歲尚承  
亡祝奔喪守志孝事舅姑撫教嗣子現年五十一歲  
印氏裳號儒童黃永年妻二十一歲夫亡守節孝  
事舅姑撫教嗣子終年四十三歲

萬氏盈號生員顧陶成妻二十八歲而寡矢志守  
節敬事舅姑恩撫嗣子現年五十九歲

顧氏閏號蔡懷城妻二十四歲而寡矢志守節撫  
三歲孤思言成立現年六十一歲

李氏騰號哈天秀妻二十五歲而寡矢志守節撫  
孤成立現年五十九歲

寶山縣志

卷七  
列女

六

陳氏崑號曹振全妻二十五歲夫亡矢志撫守節  
三十一年

顧氏裳號沈為之妻二十五歲夫亡矢志撫孤守  
節二十六年

劉氏洪號儒童宗煦妻二十六歲夫亡守節現年  
七十歲

金氏虞號儒童韓舜顏妻二十五歲夫亡矢志撫  
孤守節現年五十六歲

金氏衣號曹啟六妻二十三歲夫亡撫嗣守節四  
十年 支氏曹裕玉妻廿二歲夫亡守節廿四年 妯娌雙節

以上乾隆十年具詳請旌

蔡氏發號孫希賢聘妻年十八希賢死欲往守貞  
父母翁姑俱不許遂絕粒五日死合葬黃泥涇

須氏天號十四歲母病弟幼竭力奉母十六歲許  
字嚴步瀛未嫁嚴死氏過門矢志守貞

趙氏裳號顧玉瑞聘妻未娶而亡氏年十九守節

母家五年翁憐之迎歸家貧茹苦守貞

黃氏大塲霜號儒童般宗聘妻雍正二年般未娶而卒氏年二十四歲過門守志撫族人子為嗣又殤婢雲娣感氏貞節陪守不嫁共相紡織堅志守貞

陸氏廣福王乾妻乾病氏紡織供醫藥卒不起殮後自縊死年二十五歲時康熙五十年

沈氏楊行張氏養媳夫數犯之沈峻拒猶弗止乃密紉其衣赴水死時年十六歲

譚氏月浦唐廷賡妻二十五歲夫亾遂自縊知縣趙向奎獎曰生氣猶存

王氏元號陸時登妻年十八而嫁二十歲夫亾越三月絕粒死

朱氏收號孫才妻年十九嫁次年雍正壬子大飢才病氏流乞供養夫欲賣之不從夫死葬畢赴水死

王氏吳淞馮應元妻二十九歲夫亾撫二孤守節舅鬣年病癰穢氣達戶外氏洗滌醫藥八年不懈康熙八年憲獎

朱氏七都金士珪妻二十九歲夫亾撫姪為嗣苦節七十七歲而終

曹氏十四都秦穎發妻夫亡時年二十九歲家赤

貧奉孀姑馬氏躬耕操作撫育遺孤苦節至五十八歲而終

蔡氏楊行闕奇妻年二十七歲夫亡家貧勤苦撫孤守節四十餘年

許氏進士自俊妹吳淞舍人馮繼奎妻二十歲夫亡嘗割股療姑疾守節至老知縣余敏匾獎祀節烈祠繆彤謠見藝文

陸氏江東凌祖生妻三十歲夫亡僅一女苦節至七十三歲歿

陸氏廣福須凝仲妻夫早亡撫孤苦守三十餘年至六十一歲歿孤廷鼎割股療母病

寶山縣志

卷七  
列女

三

孫氏七都金鉉妻二十九歲夫亡苦節至六十一歲而歿

徐氏七都金潛妻二十五歲夫亡守節至六十一歲而歿

王氏八都沈乾妻二十五歲夫亡遺孤數月氏毀容守志至七十六歲歿

劉氏羅店生員龐溶妻二十二歲夫亡止一女繼姑性悍劉事之甚孝後嗣子不能養依其女以歿守節二十三年

顧氏羅店沈壽妻二十七歲夫亡遺一子一女家貧且微里兒艷其姿百計謀娶峻非始免勤

女工撫養子女後子死遺孫復行撫養年七十餘歲

張氏楊行楊元簡妻張事夫甚謹年二十四歲而寡撫孤守節越三十二年而歿

周氏楊行張敏妻敏于順治二年死揚州周年二十八歲撫孤守節至八十三歲終

張氏楊行王貴甫妻嫁六年而寡無子守節至七十六歲歿

曹氏吳淞馮際陽妻二十四歲夫亡子甫五歲族人謀產欲害之徙避郡城子死又撫遺孫四人至髦年終

寶山縣志

卷七  
列女

三

嚴氏廣福湏大英妻二十二歲夫亡孝事舅姑撫育二子守節至七十二歲歿

沈氏十一都徐之桂妻二十歲夫亡無子守節至六十六歲歿

施氏江灣康信侯妻二十四歲夫亡苦節四十年而歿

劉氏吳淞傅明倫妻年十八嫁未期夫客死守節七十歲歿

賈氏吳淞蔣嘉猷妻年二十三歲結褵半載夫亡撫遺腹孤天爵及長娶媳吳氏天爵又亡吳撫孤孝養邁姑一門雙節

顧氏吳淞生員張平妻二十九歲夫亡守節截髮  
置夫柩前終身不櫛沐年九十五終

金氏吳淞徐載鰲妻二十七歲夫亡撫五齡孤苦  
節六十二年

車氏吳淞劉行吾妻二十七歲夫亡截髮矢志苦  
節五十九年知縣李士甄給獎

朱氏闕號黃成甫妻二十七歲夫亡家貧忍饑撫  
孤歿年八十六歲縣獎

張氏江灣程某妻二十四歲夫亡家貧撫孤又天  
苦節至六十二歲歿

趙氏進士趙俞妹真如江楨妻年二十四楨客死

寶山縣志

卷七  
列女

六

撫姪為嗣守節五十年坐卧一小樓親戚罕見  
其面禮部尚書韓菼匾獎

閔氏潘家橋張士楷妻二十五歲夫亡無子抱撫  
嗣子守節至七十三歲歿

王氏騰號曹子蒼妻早寡苦節四十餘年年七十  
餘歲縣獎

顧氏吳淞生員許光國妻二十三歲夫亡無子有  
藉營勢強娶者顧割面奔控叅將以免孝養太  
姑翁姑撫姪為嗣守節四十年

陶氏十三都金之孀妻二十六歲夫亡撫孤守節  
至七十八歲歿



馮氏吳淞生員張弧妻二十四歲夫亡一女不育  
守節三十年

程氏江灣岳維則妻二十九歲夫亡無子家貧苦  
節四十餘年

施氏吳淞宗聖言妻二十三歲夫亡舅姑年老力  
作奉養及歿竭蹶營葬守節四十餘年

周氏江灣張芝妻二十二歲夫亡無子家貧力作  
以養衰翁守節四十餘年

顧氏八都黃召封妻二十九歲夫亡守節六十餘  
年

周氏彭越浦王鳴鳩妻嫁三載夫亡無子守節至

八十六歲知縣陸隴其獎曰節冠彭溪

張氏吳淞南門外生員金莖妻寄居嘉定二十九  
歲夫亡撫姪為嗣復天養姑守節至八十三歲

朱氏秦元行妻十七歲夫亡家貧無子苦節至七  
十一歲而歿

張氏大場殷又元妻二十歲夫亡終身不櫛沐依  
兄涵以居兄亡紡績自給守節至七十三歲歿

知府陳鵬年獎曰鬢髻奇節

馮氏吳淞城劉允文妻二十七歲而寡守節四十  
三年

黃氏趙家行莊金妻二十五歲夫亡撫一歲孤躬

新操作守節至九十餘歲

蔣氏廣福須世珍妻二十一歲夫亡守節三十五年

趙氏廣福須王臣妻二十一歲夫亡守節五十餘年媳張氏割股療姑以孝稱

封氏四都雲號六畝錢焯如妻夫死於兵年二十七守節四十五年知縣陸隴其獎曰苦節可風計氏廣福須茹妻二十歲夫亡守節四十餘年知縣陸隴其獎之

李氏為號二畝王元卿妻二十三歲夫死撫孤守節割股療姑疾至七十歲歿

寶山縣志

卷七  
列女

奕

陳氏七都鍾叔和妻年十四嫁鍾生二子四女年二十五歲夫亡未幾二子俱夭苦節五十年而歿

車氏馮慶綬妻王氏綬弟續妻兄弟相繼死二氏俱無子守節

顧氏月浦胡世英妻二十四歲而寡無子守節至八十一歲而歿學院法海獎曰松筠節操

周氏發號王維清妻二十九歲夫亡守節現年七十七歲

趙氏雲號支正妻年二十四歲夫亡撫孤娶媳唐氏子復夭與唐偕守節唐遺腹孤未生族人謂

男女未卜分其產及生子淇會鳴官斷還知縣  
王櫻獎給姑媳雙貞

張氏雲號二畝施允升妻二十七夫亡守節雍正  
十年死于潮災知縣胡仁濟給獎

李氏月浦陸君禧妻二十九歲夫亡子女復天守  
節至七十三歲

周氏稱號徐亮采繼妻三十歲夫亡無子守節事  
姑年終七十餘歲

徐節婦 林貞女 二人年代里居皆無考明高  
士王翹有詩紀之不忍沒其姓氏因存之詩見

藝文

以上詳嘉定志

金氏張概妻

顧阿妹陳林妻

沈氏顧隨妻

高氏狄阿先妻

袁氏周萬新妻

楊貞女許字王政新

瞿氏沈輔妻

陸氏茅瓊妻

歸氏楊鑑妻

倪氏蔣松妻

周氏潘京妻

孫氏沈誠妻

顏氏唐希曾妻

葛氏封栗妻

毛氏封邨妻

蕭氏朱稚恭妻

徐氏傅好文妻

陸氏王夢鸞妻

王氏張定安妻

張氏龔睿中妻

朱氏沈宏濟妻

沈氏王峻基妻

鄒氏陸禹定妻

徐氏周鼎鉉妻

周孝女

陸氏王應爵妻

金氏馮貞妻

王貞女許字侯世仍

陸氏沈光祚妻

以上詳嘉定趙志里居難攷脩俟採核

趙氏唐宙妻

顧氏邱龍光妻

歸氏陳璵徵妻

陸氏沈文芝妻

談氏生負潘諧妻

沈氏蘓登明妻

吳氏沈茂妻

張氏印隆泉妻

李氏陳維翰妻

駱氏顧君頴妻

寶山縣志

卷七  
列女

六

吳氏朱珣妻

顧氏張文妻

周氏俞可爵妻

趙氏趙定珍妻

馬氏吳晝妻

黃氏孫公性妻

黃孝女黃萬年女

徐氏張邦瑞妻

許氏趙一鳳妻

沈氏陸怡溪妻

王氏副榜陳瑞徵妻

張氏蔡貞遇妻

陸氏金奎妻

沈氏吳振寰妻

萬氏張欽妻

樊氏朱月賓妻

張氏李元素妻

黃氏彭廷獻妻

王氏俞養吾妻

陶貞女許字王需言

以上詳嘉定聞志

潘氏林必昌妻

馮氏劉光遠妻

許氏王道潤妻

劉氏顧乾如妻

以上詳壺儀錄

王氏沈一鵬妻

張氏吳茂卿妻

潘氏顧承祖妻

徐氏謝天來妻

金氏馮士誠妻

翁氏張又良妻

徐氏生員顧士誠妻

吳氏張兆禎妻

以上詳吳淞志

錢氏徐允迪妻

王氏陳義妻

朱氏沈廷祖妻

以上詳月浦志

寶山縣志

卷七 列女

六九

周氏羅店金雲乘妻三十一歲夫亾現年七十九

歲

王氏在城陳漢如妻二十八歲夫亾守節現年八

十歲

朱氏羅店楊牧妻三十歲夫亾守節現年七十四

歲

顧氏裳號陳月塘妻二十八歲夫亾現年六十一

歲

周氏有號錢雄山妻二十九歲夫亾守節終年七

十四歲

須氏重號盧崢山妻二十四歲夫亾守節現年五

十四歲

楊氏胡巷橋曹允文妻二十四歲夫亾守節三十

五年

許氏在城儒童王孚九妻二十二歲夫亾守節終

年六十一歲

陳氏天號陸岐瑞妻二十六歲夫亾守節現年五

十歲

李氏元號申藝芳妻二十九歲夫亾守節現年五

十九歲

張氏雲號金元昇妻二十七歲夫亾守節終年七

十九歲

寶山縣志

卷七  
列女

七

劉氏崗號張經妻二十四歲夫亾守節終年七十

五歲

曹氏發號孫雲從妻二十二歲夫亾撫遺腹子成

立現年五十歲

支氏羅店顧元卿妻二十七歲夫亾守節三十九

年

施氏羅店朱履謙妻明進士施鳳儀之妹二十九

歲夫亾守節三十一年

沈氏天號劉同高妻二十七歲夫亾守節終年六

十三歲

杜氏即劉同高媳劉立本妻二十七歲夫亾守節

終年六十六歲

徐氏天號劉時習妻二十三歲夫亾守節終年五十六歲

封氏藏號劉嘉睿妻二十二歲夫亾守節終年五十八歲知縣馬 給獎

劉氏藏號沈其昌妻二十六歲夫亾守節現年六十歲

劉氏藏號陸亮卿妻十九歲夫亾子天守節終年八十一歲

王氏藏號劉光志妻二十歲夫亾撫孤守節終年六十九歲

寶山縣志

卷七 列女

陳氏藏號劉涵妻二十六歲夫亾無子守節現年五十七歲

劉氏洪號宗煦妻二十七歲夫亾無子守節現年七十歲

劉氏洪號宗祥觀妻二十歲夫亾無子守節終年六十三歲

趙氏羅店龐瀛選妻二十八歲夫亾守節現年六十一歲

金氏衣號曹啓六妻二十二歲夫亾守節終年六十二歲

支氏衣號曹禹玉妻與曹金氏妯娌二十一歲夫

亾守節現年五十一歲

施氏有號陸景銓妻成婚二年夫亾無子守節現年五十二歲

楊氏在城曹道生妻二十九歲夫亾撫孤楚如娶陳氏楚如死陳氏年十九歲姑媳苦志守節楊終年七十陳終年七十四歲

黃氏洪號金方芝妻二十六歲夫亾撫八月遺孤守節終年七十二歲

沈氏劍號侯世延妻二十四歲夫亾守節終年九十四歲

趙氏元號申熹妻二十二歲夫亾無子守節現年

寶山縣志

卷七  
列女

三

五十六歲

陶氏元號申玉衡妻二十七歲夫亾無子守節現年五十六歲

張氏劔號侯烈妻二十四歲夫亾守節現年六十四歲

湯氏羅店君祥女王維吉妻二十三歲夫亾守節終年八十六歲

朱氏吳淞張咸和妻二十五歲夫亾守節終年七十八歲

李氏胡家庄生負李芝榮之姊許字楊行鎮張宏謨未婚而謨死李年十九適明中貞懇姑勸翁



納妾因得生宏文以延宗祀現年四十五歲  
孫氏楊行歲貢孫穉登之女許字崗號顧玉瓚未  
婚玉瓚亾孫年十九過門守貞翁納妾舉二子  
翁姑歿遺孤長亦亾孫又代撫其季現年四十  
六歲

黃氏騰號蔣天祿聘妻未婚天祿亾黃年二十過  
門守貞現年四十七歲

徐氏崗號屠周望妻二十九歲夫亾守節撫孤現  
年七十三歲

沈氏爲號須日升妻二十歲夫亾守節事翁姑撫  
嗣子現年四十九歲

何氏崗號林廷有妻二十八歲夫亾守節三十七  
年

王氏露號李天錫妻二十六歲夫亾守節現年五  
十四歲

程氏發號吳大有妻二十九歲夫亾守節五十年  
王氏號顏翰如妻二十五歲夫亾守節終年七  
十三歲

陸氏夜號符國鼎妻二十歲夫亾矢志苦節終年  
六十歲

孟氏生號管文燿妻二十四歲夫亾矢志守節現  
年五十歲

陳氏江灣儒童周儒五妻二十三歲夫亾苦節四十餘年

費氏崗號李恒栢妻十九歲夫亾守節終年五十八歲

徐氏稱號楊允泰妻十九歲夫亾守節撫孤楊成終年六十八歲

陸氏稱號楊天釐妻二十七歲夫亾守節終年七十三歲

甘氏藏號王堯森妻十九歲夫亾守節終年四十九歲

趙氏為號須三賓妻二十三歲夫亾守節終年五

寶山縣志

卷七  
列女

七四

十三歲

黃氏藏號須秉璠妻二十五歲夫亾守節終年六十三歲

顧氏崗號宣浦妻二十四歲夫亾守節終年四十九歲

陸氏黃號楊璉妻二十七歲夫亾守節現年五十八歲

茅氏推號楊進思妻二十六歲夫亾守節現年五十四歲

周氏巨號胡義妻二十二歲夫亾苦志守節母家終年七十二歲

顧氏尚號陸賢儒妻二十歲夫亡守節四十四年知縣胡仁濟給獎

嚴氏元號宋良甫妾良甫死氏年二十六歲守節撫正室遺孤終年六十一歲

蘓氏有號嚴興仁妻二十六歲夫亡守節現年六十一歲

金氏元號李乘鶴妻夫亡二十三歲守節撫嗣子成立現年六十五歲

朱氏元號李士芳妻二十六歲夫亡守節終年七十四歲

李氏敷號沈廷臣妻生員李煦之妹氏年二十一

歲而嫁三月夫亡因延嗣乏人姑病叔勞節守十年俟叔完娶病姑有托絕粒七日而死

吳氏洪號生員朱湜妻二十八歲夫亡守節三十一年布政使趙向奎匾獎

鮑氏稱號黃炳文繼妻二十七歲夫亡守節現年七十六歲

印氏尚號顧體乾妻生員印以桐之女二十六歲夫亡守節現年四十六歲

鄭氏尚號顧玉書妻善耆鄭廷芝之女二十三歲夫亡守節現年四十二歲

狄氏稱號陳虞山妻十八歲夫亡守節撫遺腹孤

成立終年七十一歲

錢氏元號陳服周妻二十八歲夫亾守節現年六十一歲

趙氏黃號李芳遠妻二十七歲夫亾守節終年六十二歲

嚴氏雨號張瀛洲妻二十四歲夫亾守節撫嗣至四十八歲嗣長不食而卒其嗣長令貽娶徐氏二十八歲令亦亾徐亦守節撫孤終年六十四歲  
沈氏為號徐文桂妻二十歲夫亾守節終年六十五歲嘉定知縣王樞給獎

劉氏藏號沈信侯妻二十九歲夫亾守節敬事年

寶山縣志

卷七  
列女

六

邁翁姑終年九十一歲

陶氏洪號金文彥妻二十六歲夫亾守節四十六年

毛氏稱號儒童葛時雍妻二十五歲夫亾守節現年四十九歲

張氏夜號李正春妻二十九歲夫亾守節終年七十四歲

盛氏露號儒童李畏三妻二十三歲夫亾撫遺腹子守節現年四十五歲

凌氏餘號儒童黃悅民妻二十歲夫亾守節現年五十四歲

宋氏楊行葛應麟妻二十八歲夫亾守節終年五十四歲

朱氏殷號張維翰妻二十九歲夫亾守節終年六十四歲

朱氏殷號李蘭士妻二十九歲夫亾守節現年七十八歲

李氏暑號趙桓式妻二十九歲夫亾守節現年八十一歲

沈氏元號趙瞻彤妻二十九歲夫亾守節現年八十歲

屈氏殷號陸士璵妻二十八歲夫亾撫孤嘉祥守

寶山縣志

卷七  
列女

七

節至七旬病危孤禱天以愈終年八十九歲

談氏闕號夏日來妻二十三歲而寡苦節撫嗣終年七十四歲

宗氏黃號陸熙臣妻三十歲夫亾守節終年六十二歲

錢氏暑號儒童趙見原妻二十二歲夫亾守節現年五十四歲

栢氏洪號錢原妻二十四歲夫亾守節終年六十八歲

張氏須繼先妻二十三歲夫亾守節終年五十六歲

譚氏藏號顧燮妻二十八歲夫亾守節現年五十八歲

朱氏羅店顧君顯妻二十八歲夫亾守節終年八十八歲

顧氏宇號沈德求妻二十八歲夫亾守節終年七十二歲

孟氏芥號儒童金以承妻一十三歲夫亾守節現年五十四歲

馬氏騰號范聖謙妻二十三歲夫亾苦節終年六十九歲

顧氏騰號周濟懷妻二十五歲夫亾守節現年五十五歲

寶山縣志

卷七 列女

夫

陸氏洪號瞿壽妻二十八歲夫亾守節現年六十六歲

金氏巨號貢生朱章妻二十七歲夫亾守節現年五十三歲

陳氏暑號嚴英賢妻二十五歲夫亾守節現年六十九歲

李氏暑號印長生妻二十七歲夫亾守節終年七十一歲

李氏嘉邑貢生李晝三之女許字問號諸生嚴麗文子序升為室十九歲序升亾過門守貞十歲

年雍正十年潮災淹死

印氏暑號生員嚴子旭妻二十九歲夫亡守節終年八十三歲

高氏暑號嚴廷輝妻二十六歲夫亡守節終年六十九歲

嚴氏暑號朱幼敏妻二十九歲夫亡守節終年九十二歲

徐氏騰號曹子重妻二十九歲夫亡苦志守節現年七十二歲

薛氏雲號金元秀妻二十一歲夫亡守節三十六年李氏元秀之孫金日新妻二十七歲夫亡亦

寶山縣志

卷七  
列女

七

矢志守節

吳氏殷號談武臣妻二十六歲夫亡矢志守節現年七十歲

孔氏殷號孔飛升之女邢世勳聘妻未婚世勳亡氏過門守貞

陳氏殷家行高文之妻十九歲嫁二十歲夫亡撫遺腹孤守節現年六十三歲

俞氏西閩外趙華之妻華家貧病廢又值歲歉將氏別嫁圖收財禮以資生氏矢志節即行自盡時年二十七歲雍正十一年五月初二日事也

徐貞女八都徐載九女許字鍾紹源病亾女年十

以上節婦未詳請旌表

按巾幗中當患難之際舍生取義蹈死如歸有  
丈夫之所難者其天性所植誠獨厚也至孑然  
一身煢煢無告柏舟自矢之死靡宅奉舅姑扶  
門祚問定甫知一終不渝較舍生取義者又何

寶山縣志

卷七  
列女

十

間於難易焉錄舊志所載列女分縣後得請於  
朝而表其宅里者若干有窮巷之中志潔行芳未  
邀綽楔之旌者備書又得若干讀趙志所云嘉  
邑風俗熾嗇無山川遊觀之美婦女多習女紅  
勤織作不以遊閒靡麗相矜殆所謂勞則善心  
生故節烈之行較勝他邑信然

寶山縣志卷之七